



Sámi Dáiddáriid ja Girječálliid Buhtadusfoandda (SDGB)

STIPEANDAMEANNUDEAPMÁI, EVTTOHUSSII JA JUOHKIMII LÁIDAGAT

2025

1. Ulbmiljoavku

Sámi Dáiddáriid ja Girječálliid Buhtadusfoandda (SDGB) stipeanda sáhttá juohkit govvadáiddáriidda, dáiddaduojáriidda ja dáiddalaš govvideaddjiide ja girječálliide geat váldoášsis ássat ja doaimmahit bargguset Norggas. Go adnojuvvo govttolazžan, de sáhttá spiehkastit njuolggadusas ássama ja doaimma birra Norggas. Stipeanddat eai juhkkujuvvo ohcciide vuoddoahpus.

2. Juohkimii eavttut

Stipeandda juohkimis galgá deattuhit dušše dáiddalaš doaimma ja kvalitehta. Ii galgga vuhtii váldit sohkaheali, dáiddárservviid miellahttovuhtii, oskkolaš dahje politihkalaš áddejupmái. Agi galgá/sáhttá vuhtii váldit dušše dalle go lea mearriduvvon ahte lea/sáhttá leat juohkimii eaktun.

Váldonjuolggadussan ii sáhte seamma dáiddár oažžut juhkkujuvvot eanet go ovtta stipeandda seamma jagi. Stáhta bargostipeandda, SDR bargostipeandda ja stáhta/SDR bargostipeandda nuorra/easkaálgán dáiddáriid vuostávdit sáhttet datte oažžut mátkestipeandda, ávnasstipeandda ja čájáhusstipeandda. Nuorra/easkaálgán dáiddáriid bargostipeandda vuostávdit sáhttet oažžut álggahanstipeanddage.

3. Almmuheapmi, ohcanáigi

Stipeanddat almmuhuvvojit čállosiin SDS ja SGS miellahtuide, servviid ruovttusiidduiguin ja SDR' ruovttusiiddus, Norsk Lysingsblad:s ja preassadieđáhusa bokte. Ohcamat mat leat addojuvvon ohcanáiggi maŋŋil, eai meannuduvvo.

4. Ohcama sisdollui ja hápmái gáibádus

Galgá ohcat mearriduvvon ohcanskoviin. Ohcama ferte čállit vuollái ja dievaslaččat deavdit doarvái vuodustusain ja das galget leat dárbbaslaš mildosat.

5. Ohcanmeannudeapmi, evttohus ja juohkin

Foandastivra juohká stipeanddaid Sámi Dáiddačehpiid Searvvi (SDS) ja Sámi Girječálliid Searvvi (SGS) áššedovdi lávdegottiid evttohusa mielde. Foandastivrra čállingoddi váldá vuostá ja registrere ohcamiid, ráhkkanahhtá daid áššiid mat galget Foandastivrra čoahkkimiid ovdii ja čadaha Foandastivrra mearrádusaid. Bargu galgá čuovvut hálddašanlága mearrádusaid áššemeannudeami ja maidái habilitehta, jávohisvuodageasku ja bagadallangeani birra.

5.1 Foandastivra

Foandastivrras leat njeallje miellahtu main 2-guokte miellahttu nammadit SDS jahkečoahkkin ja 2-guokte fas SGS jahkečoahkkin. Jahkečoahkkimat nammadit Foandastivrra várrelahtuide. Foandastivrra miellahtut ja várrelahtut nammaduvvojit guovtti jahkái ain hávil. Ii oktage miellahttu sáhte leat guhkit go guhtta jagi oktilaččat. Lágalaš mearrádussii gáibiduvvo ahte golmmas njeallje miellahtus leat sajis, jodiheaddji ja/dahje nubbijodiheaddji galgá oasálastit. Jodiheaddjis, dahje nubbijodiheaddjis jus jodiheaddji lea vihan, lea duppaljietna go lea ovttá mađe jienat.

Foandastivrra miellahtut ja várrelahtut leat ieža čuldojuvvon ohcat SDGB stipeandda dan áigái go leat válljejuvvon.

Foandastivra galgá bagadit fágálávdegottiid dohkálaš áššemeannudeami prinsihpaid ja nu guhkás go vejolaš gohcit ahte prinsihpat čuvvojit. Foandastivra galgá fágálávdegotti bargui gárvvistit dievas láidagiid.

Foandastivra juohká stipeandda áššedovdi fágálávdegottiid evttohusa vuodul. Foandastivra galgá gohcit ahte láhkagustojupmi ja áššemeannudeapmi lea riektá. Stándardavuodustus addojuvvo ohcciide guđet ožžot biehttalusa.

Foandastivra galgá čállit beavdegirjji čoahkkimiinniset. Beavdegirjjiis galgá boahtit ovdan:

- a) goas čoahkkimat dollojedje
- b) geat ledje boahtán
- c) habilitahta
- d) guđe evttohusat meannuduvvo
- e) meannudeami boadus
- f) eará áššit stipeandameannudeami hárrái.

Čoahkkinbeavdegirjji ja juohkimii visogovva sáddejuvvo Kulturdepartementii, SDS' stivrii ja SGS' stivrii.

5.2 Áššedovdi fágálávdegottit

5.2.1 Oppalaččat

SDS' ja SGS' fágálávdegottit leat Foandastivrra fágalaš áššedovdi orgánat. Fágálávdegottit evttohit stipeandda vuostáváldiid. Foandastivra meannuda juo juhkkajuovvon stipeandda ođđasis juogadeami ja váiddaáššiid.

SDS' ja SGS' jahkečoahkkimat nammadit fágálávdegottiid daid áigodagaide mat čuvvot dáid servviid njuolggadusain. Fágálávdegottiin galget leat uhcimustá 3-golbma miellahtu, veadjá oktan várrelahtuiguin. Fágálávdegottiid čoahkkádus čuovvu servviid jahkečoahkkimiid mearridan láidagiid. Fágálávdegottit leat mearridannávccalaččat go uhcimustá 2- guokte miellahtu dahje daid várrelahtut oasálastet. Várrelahtuin lea jienastanvuoigatvuohta dušše jus sii leat muhtin miellahtu sajis.

5.2.2. Evttohaneavttut

Fágálávdegottit galget evttohit ohcciid dáiddalaš kvalitehta ja doaimma árvošteami vuodul guoskevaš láidagiid olis.

5.2.3 Áššemeannudeapmi

Ohcamat maid fágálávdegottit oaivvildit eai gula sin suorgái, galget dalán máhcahuvvot Foandastivrra čállingoddái.

Fágálávdegottit addet čálalaš evttohusaid Foandastivrii. Golbma kandidáhta evttohuvvojit vuoruheami mielde. Galgá oanehaččat vuoduštit juohke kandidáhta evttohusa, mas aiddostahttojtit dat momeanttat mat leat leamaš váikkuheaddjín.

Fágálávdegottit galget čállit beavdegirjji sin čoahkkimiin. Beavdegirjgis galgá boahtit ovdan:

- a) goas čoahkkimat dollojedje
- b) geat ledje boah tán
- c) habilitahta
- d) galle ohcama leat boah tán ja meannuduvvon
- e) evttohuvvon ohccit vuoruhuvvon vuorus liigekandidáhtaiguin
- f) ohcamat mat hilgojuvvojtit meannuduvvot, oktan hilguma vuoduštusain

Beavdegirjji čálu galgá Foandastivrii sáddejuvvot oktan evttohusaiguin.

Fágálávdegotti evttohusat galget leat čiegusvuodas gitta dassái go Foandastivra lea mearridan juohkima, ja dát mearrádus lea almmuhuvvon. Evttohus bissu čiegusvuodas liigekandidáhtaide hárrái.

6. Váidinvejolašvuohta

Foandastivrra mearrádusa sáhtta váidit, ja dat čállojuvvo Kulturdepartementii. Váidaga galgá sáddet Foandastivrii. Ii sáhte váidit fágalaš dáiddalaš árvošteami, vrd. kongelig resolusjon 15. mars 1991 nr. 144. Foandastivra meannuda váidaga ja sáhtta mearrádusas nuppástuhttit. Jus Foandastivra doalaha álgomearrádusa, de sáddejuvvo Foandastivrra ráva Kulturdepartementii. Ohcciin, geaid ohcan hilgojuvvo, lea váidinvuogatvuohta hilgunmearrádussii, vrd. Hálddašanlága § 2, goalmmat lađđasa ja hálddašanlága Kap. VI.

7. Raporteremii ja čuovvoleapmái gáibádusat

Stipeandda vuostáváldit leat geatnegasat Foandastivrii sáddet raportta stipeandda geavaheamis. Raportta galgá čállit mearriduvvon skovvá. Foandastivra čállingoddi dárkkista raporttaid dábaláš formalia ja jearggalašvuođa, mii mearkkaša ahte raportaskovit maid lea vuostáváldán leat devdojuvvon ja čállojuvvon vuollái. Dasto guorahallá čállingoddi raporttaid árvoštallan dihtii ahte lea go stipeanda geavahuvvon juohkima eavttuid mielde. Čállingotti dárkkisteapmi lea stipeandavuostáváldi addán dieđuid vuodul.

8. Váikkuhusat go leat boasttodieđut dahje eavttuid váilevaš čuovvun

Jus reporterengeatni ii čuvvojuvvo, dahje stipendiáhtat eai sádde raportta, de sáhtta Foandastivra mearridit ahte sii masset vuogatvuođa ođđa stipeanddaide.

Jus diedihuvvon dieđut leat boastut dahje eavttut vuostáváldit stipeandda eai čuvvojuvvo, de sáhtta olles dahje osiid stipeanddas gáibidit máksit ruovttoluotta. Stortingets bevilgningsreglement § 10 olis sáhttet Kulturdepartemeanta dárkkistišgoahit ahte stáhtaruhta mii addojuvvo doarjjan dahje veahkin almmolaš dahje priváhta doibmii, adnojuvvojtit eavttuid mielde.

9. Mañidit/nuppástuhttit stipeandda anu

Stipeandavuostáváldit sáhttet erenoamáš háviid ohcat mañidit dahje nuppástuhttit stipeandda anu. Ohcama sádde foandastivrii.

Sámi Dáiddáriid ja Girječálliid Buhtadusfoanda dohkkehan 22.03.2006. Sáddejuvvo Kulturdepartementii, SDS:i ja SGS:i.
SDGB stivra nuppástuhttan, ja dohkkehuvvon SDS jahkečoahkkimis ja SGS stivrras 2025. Sáddejuvvo Kulturdepartementii.